

## Seri Paduka lawat UPNM

**KUALA LUMPUR 26 Sept.** - Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah hari ini berkenan berangkat melawat Universiti Pertahanan Nasional Malaysia (UPNM) di Sungai Besi di sini.

Keberangkatan tiba Seri Paduka pada pukul 10.15 pagi di Bangunan Canselor diiringi Menteri Pendidikan, Dr. Maszlee Malik; Ketua Setiausaha Kementerian Pertahanan, Datuk Seri Mohd. Zuki Ali dan Naib Canselor UPNM, Leftenan Jeneral Datuk Abdul Halim Jalal.

Dalam lawatan lebih dua jam

itu, Sultan Abdullah berkenan mendengar taklimat daripada Abdul Halim mengenai latarbelakang universiti itu.

Baginda turut dibawa ke Pusat Maritim untuk melihat simulator kapal selain melawat pameran pencapaian oleh warga UPNM termasuk produk penyelidikan dan akademik.

Keberangkatan pulang Sultan Abdullah kemudian diiringi oleh 1,500 pegawai kadet dan pelajar awam yang berdiri memberi tabik hormat sepanjang laluan pintu keluar universiti itu. -BERNAMA



AL-SULTAN ABDULLAH RIAYATUDDIN AL-MUSTAFA BILLAH SHAH tertarik dengan senjata 'SVD Sniper Rifle' semasa melakukan lawatan ke Universiti Pertahanan Nasional Malaysia (UPNM) di Sungai Besi, Kuala Lumpur, semalam.

Turut kelihatan Dr. Maszlee Malik (dua dari kanan) dan Leftenan Jeneral Abdul Halim Jamal (kanan). -BERNAMA